

Goibekokale

ELGETA / Barikua / 2003ko otsailaren 21a / 131. zenbakia

KOORDINATZAILEA: Oxel Erostarbe • Barrenkalea 33 20570 BERGARA • Tel.: 943 76 92 71 • Faxa: 943 76 29 77 • Posta elektronikoa: goibekokale@goiena.com • Lege gordailua: SS475/95

Elgeta Auzolanian plataforma, plazara

OXEL EROSTARBE

Ezkertiar eta abertzalez ostatutako plataforma bat aurkeztuko dute bihar arratsaldean plazan. Ibarreko gainerako herri guztietan moduan, Gernikako deialdiaren ondorio da plataforma. Elgetako plataformari Elgeta Auzolanian izena jarri diote.

Bihar, 17:30ean, Elgetako ezker-tiar eta abertzaleen plataforma bat aurkeztuko dute plazan. Eki-taldia jai giroan ospatuko dute, eta txalaparta, lurcha, musika, eta abar egongo dira. Aurkezpenaren ondoren, taldea bultzatzen dutenek argazkia aterako dute plazan bertan.

Debagoieneko gainerako herrietan moduan, Gernikako deialdiaren ondorio da herri plata-forma. Aurkezpenean zera esango dute: "Gure erantzunik onena gure herria eraikitzea izango da, euskararen alde eginez, gure kultura eta izaera bultzatuta. Eta Euskal Herria eraikitzen gure herritik hasiko gara, Elgeta euskaldunagoaren alde eginez, ingurumena kontuan izango duen etorkizuna bultzatuta. Elgeta ezkerretik eraiki nahi dugu, auzolanean".

AUZOLANA BULTZATZEKO NAHIA

Auzolanean hitzetik hartu dute herri plataformaren izenburua. Plataformaren asmoa, hainbat ekintza aurrera eramateko, herri-tarren artean auzolana berreskuratzeko da: "Denon laguntzarekin Euskal Herriaren ohitura zahar hau berreskuratu nahi dugu, globalizazioaren garai hauek gazteak antolatuta eta auzolanean ekimenak bultzatuta, edo gure mendiak garbitzera koa-drilan joanda... Eta etorkizunean zelako Elgeta nahi dugun herritarrok erabakiko dugu, denon parte-hartzearekin".

HAUTESKUNDEETAN PRESENTZIA

Herri plataformatik adierazi dutenez: "Herri Batasuna, Euskal Herritarrok eta Batasuna ilegalizatzeko bidean egon arren, lehenagoko ideiek gurekin jarraitzen dute. Ideia horiek aurrera eramateko antolatu beharra dago, eta horretarako sortu dugu plata-forma". Aurkezpenaren ostean batzarrak egingo dituzte, plataformaren jarduerak zehazteko: "Lan egiten jarraituko dugu, taldeekin berba eginez. Hauteskundeak ere hor daude, eta hel-du egin behar. Aurkezten lagako diguten ez dakigun arren, programak gertatzen hasiko gara".

HIRIGINTZA

Frontoi zaharra egokituko dute


OXEL EROSTARBE

Azken hilabeteotan, eskola gainerako gela handia erabili izan dute eskolako umeek jolastoki estali moduan. Gela hori nahiko egokia den arren, aspaldi eskatu zuten Guraso Elkarteak kanpoko jolastokian estalita egongo litza-tekeen gunea. Hala, Udalak eta Patronatuak frontoi zaharra egokitzeak akordioa egin dute. Frontoi-egokitzeko lanek 2.404 euroko aurrekontua dute. Udalaren

asmoa da martxo hasieran has-tea lanekin. Frontoi zaharraren eta eskolaren arteko bidea ere orduan egokituko dute. Aste San-tua aurretik umeendako jolasto-ki estalia gertu egongo delakoan daude.

ZIBURU BERRIAK JOLASTOKIAN

Eskolako jolastokian ziburu berriak jarri dituzte. Kontua da eguraldi oneko egun batzuk egin arte ezin dutela ziburuen azpian jartzen den lurra ipini.



Frontoi zaharra eta eskola arteko bidea ere egokituko dute martxoan.

HERRITARREN HITZA / Geaxi Ezpeleta • Ikaslea

Asko dakagu ikasteko, baiña iñor gutxi erakusteko

Egixa esan, pasatu dira miñutu batzuk zeri buruz idatzi pentsatzen hasi naixenetik. Gai asko etorri jataz burura, mundu osuan eragiña edukitzen dagon gerrian kontutik hasitta, horrenbeste denbora eta esfortzu eskaintzen dotsagun gaztetxeraiño. Eta hementxe nago, orri zuri baten parian, boligrafua eskuan hartuta eta barruan tristuria zabaltzen doiala sentitzen. Tristuria zergaittik? Arrazoi asko eta bakarragaittik, usteldutako gizarte batian bizi garalako.

Tristuria zergaittik? Horren zibilizauak eta aurreratutak

garan hemen garaixan, herri bakoitzak beren botuekin aukeratu-tako gobernuak, millaka pertsona hiltzeko prest dagozelako eta gaiñera, hontaz harro sentitzen diralako.

Tristuria zergaittik? Berdinta-suna eguneroko gauza bat izan biharko zanian, ez dagolako holakorik.

Tristuria zergaittik? Komun-ikabidien indar manipulatzai-



"Ustelkerixan bizi gara, ikustia nahi ez daban gizarte batian"

Ustelkerixan murgilduta bizi gara, ikusten ez daben edo hobeto esanda, ikustia

lle ikaragarrixaan aurrian, gehiengo bat manipulaten lagatzen dalako. Ez dalako gai pentsatze-ko, komunikabidie-tako egixa munduan bizi dan egittik bereizten.

Tristuria zergaittik? Honi galderion erantzuten jarraitu ahal izango nuke, lerro askotan, arrazoiz arrazoi.

nahi ez daban gizarte batian.

Askotan entzuten da gaztiok pasota batzuk gazela. Gure buruaz aparte, gauza oso oso gutxi importatzen dozkuela. Onartu egiñ bihar dot, kasu askotan holan da. Baiña gaur egunian bizi dan egoerian errudunak ez gara gu, ez aldatzianak igual bai. Aldatzen hasteko indarra dakagula, izan leike. Baiña, nahiko arazo haundi bat behintzat badakagu, asko dakagu ikasteko eta iñor gutxi erakusteko.

Tristuria zergaittik? Jarri bost miñutu pentsatzen eta egin hori galderioi zure buruai.

LABUR

Arau subsidiarioei alegazioak egingo dizkie Mayak

Maya ingurumen taldeek alegazioak egingo dizkiete datorren zortzi urteei begira Udalak aurkeztutako arau subsidiarioei. Alegazio nagusia Debagoieneko PTPak onartu bitartean Elgetako arau subsidiarioak ez onartzea da. Izan ere, Elgetako arauak oraindik onartu barik dauden Debagoieneko arauetan oinarritzen dira. Alegazio hori garrantzitsua dela-eta, herri-ko gainerako elkarteekin batzekoak dira Mayakoak, alegazio hori elkarte guztien izenean egitea garrantzitsua ikusten dute-eta.

Egingo dituzten beste alegazio batzuk hauek dira: anten-dako toki konkretu bat zehaztea, uren saneamendua hobetzea, Larragibelzearra landa moduan edukitzea, eta Uruburuko sektorean etxe kopurua gutxitzea.

Bestalde, martxotik aurrera eta Mankomunitatea kar-gu egin arte, Udalak hartuko du erabilitako olio batzeko ardura. Bi urtean eskaera hori egin dute Mayakoek. Udalak ardura hori hartu duen arte, eurek jaso izan dute erabilt-tako olio.

Gaztetxekuek batzar orokorra egingo dabe gaur

Batzar orokorrian bi puntua nagusin inguruan jardungo dabe: batetik, otsailaren 21ko gaztetxian izan zan lapurketa tian eta horren inguruan egiten ahal danan gaiñian; eta bestetik, momentuan batzarraren batzen diranek gaztetxian bizi izan dittuen esperientziak gaiñian (oztopuak, proiektuak, batzarretik kanpoko gaztetxiakiko jarrera...).

Batzar orokorra gaur izango da, 21:30ian, gaztetxian. Gaur egun gaztetxeko batzar-rian darenek hara juateko deia egin dotse gaztetxian kiko interesa daukenei. Hor-taz, gaztetxian batuko dira gaur herriko gazte gehienak.

JARDUNABALKOITTIK



Oxel Erostarbe

Iraken ez!
Hemen...

Euskaldunok, mundu-tarrok... gorrek entzuteko moduan esan dogu, ez dogula Iraken aurkako gerrarik gura. Eta hori, Saddam Sharon besteko genozidia dala (galdetu bestela kurduei eta palestinarrei). Arma salerosketiak, gerriak beste ardura dosta. Izan be, gerrian alde ala kontra agertu, herrialde aurreratuak gara munduan zihar arma kontrabanduan dihardugunak.

Gerrian kontuakin pekatuan dihardutenak espainiar inperialistak dira. Euskal terroristei kontra egiteko faboriak lortziarren, aitta santuak gerrian gainian esandakuei kasoik be ez dotse egin. Euskaldunon kontrako gerran, pekatua be zillegi izango da. Eta torturia, eta ilegalizaziñua, eta dispersiñua, eta gizurra, eta autodeterminaziño eskubide eza, eta... eta ETA.

Gurian be gerran dihardue eta ez dauka amaitzeko trazaik. Udaltzain bat hil dabela, preso bat hospitalian dagola... Iraken aurkako gerria, gure izenian ez egitteko argi esan dogu. Gure gerran, gure izenian, edo honezkero auskalo zeñien izenian diharduanei be berdiña: gure izenian ez! Askatasuna bai herrixantzako eta baita herriitar danontzako.

KULTURA


'KK' antzezlanak aurkeztuko dute

O.E.

Kultura batzordeak antolatuta, Markeliñek KK kale antzerkia estreinatuko du Elgetan domekan. Umeendako zein nagusien dako egokia den kale antzerkia plazan egingo dute, 13:00etan. Markeliñe taldeko antzezlan gehienetan moduan, KK antzezlanean ere ez dira falta izango ironia, kómikotasuna, elementuen erabilera eta ezustekoak.

Kale garbitzaile baten, musikari baten eta ume baten gaineko istorioa kontatuko digu oraingoan Markeliñek. Kale garbitzailea eta musikaria zakarrontzi baten ume bat dagoela ohartuko dira. Ume horren gurusoak topatzen, umeari pixoihalak aldatzen eta zakarrarekin jostailuak egiten jardungo dute.

Hortaz, antzerkia gustuko dutenek hitzordu garrantzitsua dute domeka eguerdian Markeliñe antzerki taldearekin.



Lehenago ere etorri izan dira Elgetara Markeliñekoak.

EGAN ETORRIKO DA JAIETAN

Bestalde, aurtengo Ferixa Nagusietako egitaraua zehazten dihardu Jai batzordeak. Eta dagoeneko aurreratu digute plazan izango ditugun bi musika talde-

ren izenak: eguenean Akelarre eta barikuan Egan. Egitarau osoa lehenbailehen zehaztu nahi dute. Horretarako, hurrengo batzarra eguaztenean egingo dute (hilak 26), udaletxean, 21:00etan.



San Valentin eguneko dantzaldixa

Herriko erretiratuak San Valentin eguna zala-eta Espaloian antolatutako dantzaldixan giro paregabia egon zan. Lehenagoko kantuak eta azkenaldixan modan darenak entzun eta dantzatzeko aukeria euki zebeñ hara gerturatutakuak. Erretiratuak sasoi betian darella erakutsi zebeñ dantzaldixan. Ia hurrenguan beste adin batzuetako jentia be animatzen dan./O.E.

LABUR

Debagoieneko zirkuituko Pilota Txapelketa Elgetan

Debagoieneko kirol zerbitzuek federatu barik dauden pilotariendako Pilota Txapelketa antolatu dute. Txapelketa Elgetan jokatu da, martxoa eta maiatza bitartean. Txapelketan parte hartu gura dutenek martxoaren 4a baino lehen kirol zerbitzuetan eman behar dute izena.

Debagoieneko kirol zerbitzuetako abonatuak 12 euro ordaindu behar dute txapelketan parte hartzeko eta gainerakoek, berriz, 15 euro. Lehenengo hiru postuetan amaitzen dutenei emango dizkiete sariak.

Txapelketa lau t'erdia barruan eta binaka jokatu da. Lehenengo fasea ligaxka erara jokatu da. Eta lehenengo laurak finalerdiak jokatuko dituzte gero.

IRAKURLIAREN TXOKUA

UDAL AURREKONTUAK DIRELA ETA

Elgetako Udalak onartu duen aurrekontua benetan kezkarria iruditzen zait. Nire kontuetan badira bi gai koadratzen ez dutenak:

1.- Inbertsioetan azken bost urteetan gastatu den beste gastatzea aurreikusten da aurten.

2.- Gastu korrontea, hau da, urtero ezinbestean gastatu beharrekoa, sarrerak baino handiago da.

Jasotzen dena baino gehiago gastatzen da urtero:

13.500.000 pta. ordaindu beharreko maileguak kontuan izan gabe.

30.000.000 pta. maileguen interes eta amortizazioak kontuan izanez gero (hala ere, kontuan izan barik aurtengo inbertsioek sortuko dituzten gastu finkoak). Aurtengo inbertsioak, 401.946.549 pta. dira guztira. 1998tik 2002ra 382.744.205 pta. izan ziren guztira.

Norbaitek ziurta dezake inbertsio hauek bideragarriak direla? Eta onurak baino arazoak ez dizkigutela sortuko? Epe Luzera ez bada ere, aurreikusita dago sarrerak gehitzea edo gastuak murriztea? kontuan izan dira inbertsio berriek sortuko dituzten gastuak? Zergak handituko dira?

Ez zaidalako oso bidezkoa iruditzen sarrerak lortzeko "saldotan" eraiki beharra izatea, lur guztia porlanez bete arte. Eta ez nuke amaitu nahi beste zifra bat aipatu barik, liburutegiko liburu eta aldizkariak erosteko 622,05 euroak, ehun mila pezeta inguru, huskeria bat dira kulturak duen aurrekonturako.

Norbaitek erantzungo didalakoan...

EDURNE ALBERDI



RECYDE, S.A.

Pagotza pol. ind. 20690 ELGETA, Gipuzkoa
Tel. zentrala: 943 78 80 00. Faxa: 943 78 90 10
Posta elektronikoa: recyde@recyde.es



ER-0182/2/95

ISO 9002
QS 9000
ISO/TS 16949



Jesus Mari Montiel
ITURGINTZA
ETA BEROGAILUAK

Artekale 3
Mo: 656783299 Eibar
Tel: 943 70 07 19

KONPONKETAK
SUKALDE
ETA BAINUGELETAN

DEPILAZIOA
LASER BIDEZ

Erizaina: Sonia Simón
OLT: Iratxe Aiarzaga
Medikua: Gabriel Hernández

SAIOA ARANZABAL MASAJEAK
ELGETAN, DOMINGO ITURBE 10ean

Kiromasajea • Reflexologia • Hidromasajea • Kirol masajea • Solariuma • Drenaje linfatikoa • Algekin eginiko estalkia

Dei ezazu 646 50 00 29 telefonora ordua eskatzeko

ERRETRATUZAHARRA

BERGARA

Bergara KEko
eskubaloi
taldea, 1978

Bergara KEko eskubaloi saila 1978-79 denboraldian sortu zen. Sasoi hartan, senior mailako taldeak San Martin plazan jokatzeko zuten etxeko partiduak eta entrenamenduak Institutuko gimnasioan eta Arrasaten egiten zituen. Legazpiko eta Arrasateko taldeetan jardundako Pedro Garmendiaren eta Alvaro Espartzaren ekimeneri esker sortu zen taldea, eta Garmendia bera zen entrenatzailea. 17 eta 27 urte arteko gazteek osatzen zuten taldea. Hasieran larri ibili ziren arren, laster maila ona azaldu zuten.

Zutik, ezkerretik hasita: Alfredo Manso, Fernando Fernández, Jose Antonio Arriola, Juan Carlos Gutiérrez, Iñaki Mendibil, Alvaro Espartza, Aitor Goiti eta Martin García.

Makurtuta: Jesús Rodríguez, Iñaki Jauregi, Pedro Garmendia, Benito Cantero, Josean Azpeitia, Pedro Durana eta Antonio Sánchez.

Argazkia: Claudio García.



ADI, IRAKURLE!

Zure erretratu zaharra argitaratzea nahi izanez gero, zator BERRIGARAra (Irizar jauregia, Barrenkalea 33) edo Elgetako kultura etxera. Zain gaituzu!

NOLAALDATUDIRENGAUZAK

BERGARA

Ikerlekuko
pasabidea

Ikerleku eta Ibargarai arteko pasabidea asko aldatu da, 90eko hamarkadaren erdialdean Ibargarain etxebizitza berriak eraikitzen hasi zirenetik, batez ere. Garajeak eta lantegiak zeuden lekuan etxebizitzak egin dituzte, eta inguruak erabateko itxuraldaketa izan du azken urteotan. Etxebizitzak egiten ziharduten bitartean pasabide txikia zegoen, geroago handitu eta txukundu zutena.



≈ 1993

Ikerlekutik Ibargarai hiribidera jaisteko behin-behineko pasabidea jarri zuten etxebizitzetako lanek iraun zuten bitartean.



2003


Inguru erabat aldatu da. Justo Garate plaza-ko etxebizitzaren ondoan espaloi ederra dago, baita berdegune batzuk ere.



Zumelaga
JATETXEA

60 urte zuen zerbitzura!

San Antonio 5. BERGARA. 943 76 20 21



Manufacturas LARRAÑAGA
LAN-BABESERAKO ARTIKULUAK

Eskularruak: larruzkoak, lonazkoak, nitrilozkoak eta PVCzkoak • Polainak: larruzkoak • Amantalak: larruzkoak, lonazkoak eta plastikozkoak • Mangitoak: larruzkoak, lonazkoak eta plastikozkoak • Txanoak: lonazkoak eta skay-zkoak • Segurtasuneko oinetakoak • Entzumen-babesa eta begi-babesa • Soldatzaileendako aurpegirako babesa • Maskarak • Lunbalgiarako gerrikoak eta faxak • Hotzaren kontrako parkak • PVCzko trajeak • Soldatzaileendako larruzko jakak (3/4) • Lanerako arropa • Hotzaren kontrako txalekoak • Eta abar.

Leizeaga 1 BERGARA Tel. / faxa 943 76 59 53.

Etixerako ederrena, Zanguitun

Eskulan eta arte ederretako produktuak ere baditugu!



**%20ko
deskontua
etxerako
pinturetan**

**Koloreak
sortzeko
makina**
Paretetarako,
zorurako,
altzariak
margotzeko...

ZANGUITU margoak

Irala z/g. BERGARA.
Tel.: 943 76 19 54.

IRU margoak

Araba etorbidea 3. ARRASATE.
Tel.: 943 79 11 71.

Parket flotatzailea* Sintasola* Moketak*
Paper pintatuak

*Salmenta eta etxean ipintzea.



deco-tex ZANGUITU alfonbrak

Herri lagunak 4. BERGARA.
Tel.: 943 76 08 69.

Alfonbrak Alfonbrak neurrira Funda nordikoak
Edredoiak Kortinak Toailak Izarak

Oilaskoak

BERRIA

egubakoitzetan eta zapatuetan

- Entsalada + oilaskoa: **10,82 euro**
- Entsalada + oilasko erdia: **5,41 euro**

Sagardotegiko menua

BERRIA

- Bakailao tortilla
- Entsalada mistoa
- Txuleta zaharrarena
- Etxean egindako postreak
- Sagardoa

21,00 euro

AGIRREBEÑA JATETXEA

Maiatzera arteko ordutegia: **07:00etatik 21:00etara**



90 lagunendako janlekua • Eguneko eta asteburuko menuak eta karta • Etxeko postreak • Asteburuetan, mariskoa eta arraina, aldezturik eskatuta

Ibarra kalea 2, Bergara. Telefono BERRIA: 943 76 21 45.

GREMIOEN GIDA

zure etxearen osasun onerako

ARREGI AROZTEGIA



Urteaga 20
943 76 11 73
Erakusketa:
Bidekurutzeta 38
943 76 31 03

- Orotariko arotz lanak
- Sukaldeak
- PVC leihoak



AGIRRE MARGOAK

Ortuibar 1, 3-C
943 76 53 82
Tailerra:
Alkabieta 7

- Orotariko pintaketa lanak

UGARTE AROZTEGIA-ALTZARIAK

San Juan 1 A
943 76 54 91
F 943 76 08 04

- Orotariko arotz lanak
- Apainketa, soruak, leihoak, atek



El izarra elektrizitatea

Zubieta 10
943 76 54 10
943 76 19 99
943 76 10 60

- Orotariko instalazio elektrikoak



Informatika aholkulariak

Eguzki auzoa
5, behea
ANTZUOLA
943 76 65 13
F 943 76 65 14

- Gremio guztietarako programazioa
- Ekipo osoa instalatuko dizugu



Manufacturas AFA-BI, S.L.

S. Lorentzo z/g
943 76 50 92
943 76 21 59
F 943 76 02 65

- PVC
- Aluminioa
- Veka sistema

GOYSMA

Urteaga 9
943 76 98 12
615 76 77 95
615 76 77 96

- Iturgintza
- Berogintza
- Gasa

BERGARA Margoak

Amillaga 1, 1. pab.
162 p.k.
943 76 97 31
F 943 76 97 32
bergara.margoak@terra.es

- Orotariko pintaketa lanak
- K-21 agiria

